

## ★ Цуг чидлән олна төлә ★

107-ч номертә хә өсклгәнә совхоз, ганцхн Приютненск районд биш, шуд республикин бийднъ, өмн нүүрт йовх совхоз болдж тоолгдджана.

Эн төр күцәлгәнд директорин килмдж, түүнә ач-туснъ хальдснъ мел ил. Совхозин коллектив, сунъгъврин 21-ч номертә Октябрьск округар, тегәд эн совхозин директор үр Лев Сергеевич Назаровиг эврәннъ кандидатан гидж заала.

Совхозин клубин агъунъ зөвәр эләд. Данъгъяр 400 шаху улс хурчкск бәәнә. Совхозин көдлмшчнр, специалистнр, уулд цергләчнр — оln зүсн көдлмшт йовх улс, әмтн цугъарн хурад ирчкск бәәнә.

Депутатин кандидатла харгългәна хургиг энъгин хургудла дүнъгцүлдж болшго. Мана орн-нутгт им хургуд деер сунъгъачирнъ болв чигн, депутатин кандидат чигн, эд-

нәс кен негнъ чигн, нүүридж хурдж бий-бий деерән даалгъврумуд авцхана.

Хальмг АССР-н Деед Советин депутатнрин кандидат Лев Сергеевич Назаров одахн эврәннъ сунъгъачнрларн харгъсн, тер хург деер босдж үг келцхәсн, совхозин көдлмшчнр, специалистнр, уулд цергләчнр, цугъарн, үр Назаровиг, шулун-дулун, эвтә-довта, эдл-ахун хамг нег оln-зүсн көдлмшин цаадк-наадкинъ сәәнәр медлг, чадмг-чидмг гардач гидж нерәдцхәв.

Хург деер 6 күн босдж үг келв.

Сунъгъврин 21-ч номертә Октябрьск округин сунъгъачнриг Хальмг АССР-н Деед Советл сунъгъвр кегдх өдр — октябрин 19-д, цугъарн йир кецү ни-ниинцнъгъу кевәр, үр Назаровин төлә дуугъан өгцхәй гисн шиидвр хург авб.

Р. ГАЛПЕРИНА.